



Broj: 11-19-11-2-2331/24

Datum: 19.08.2024. godine

Na osnovu člana 43. Zakona o unutrašnjim poslovima Federacije Bosne i Hercegovine („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki u 2024. godini, direktor po Rješenju o ovlaštenju Vlade Federacije Bosne i Hercegovine, d o n o s i

O D L U K U

o poništenju postupka Javne nabavke rekreacione opreme - alpinistička oprema

I

Prihvata se prijedlog Komisije za provođenje konkurentskih i pregovaračkih postupaka nabavke u postupku Javne nabavke rekreacione opreme - alpinistička oprema, te se isti **poništava** u skladu sa odredbom člana 69. stav (2) tačka d) Zakona o javnim nabavkama BiH.

II

Za izvršenje Odluke zadužuje se Sektor za finansije i javne nabavke Federalne uprave policije.

III

Ova Odluka objaviti će se na internet stranici Federalne uprave policije.

IV

Odluka stupa na snagu danom donošenja.

O B R A Z L O Ž E N J E

Postupak je provela Komisija za provođenje konkurentskih i pregovaračkih postupaka nabavki u 2024. godini, broj Rješenja o imenovanju 09-19/1-30-2-15 od 04.01.2024. godine.

Javna nabavka je provedena putem konkurentskog zahtjeva za dostavu ponuda.

Federalna uprava policije je provela konkurentski postupak Javne nabavke rekreacione opreme - alpinistička oprema, broj Obavještenja o javnoj nabavci: 1412-7-1-231-3-101/24, sa procjenjenom ukupnom vrijednosti ugovora u iznosi od 8.547,00 KM bez PDV-a.

U postupku je utvrđeno da je Komisija u svemu pravilno postupila, te da je preporuka data u skladu sa Zakonom o javnim nabavkama i tenderskom dokumentacijom.

Naime, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, o čemu je sačinila odgovarajuće zapisnike, u kojima je utvrđeno sljedeće:

komisija za provođenje konkurentskih i pregovaračkih postupaka nabavki u 2024. godini, je na svom sastanku održanom dana 19.08.2024. godine, konstatovala da je na osnovu Obavještenja o nabavci broj: 1412-7-1-231-3-101/24 koje je objavljeno na portalu javnih nabavki, do naznačenog roka za dostavljanje ponuda u konkurentskom postupku Javne nabavke rekreacione opreme - alpinistička oprema, zaprimljene dvije ponude ponuđača „DENIJAL S“ d.o.o. Tešanj i „VIP DESIGN“ d.o.o. Sarajevo.

Međutim, obzirom da navedene ponude nisu u skladu sa tehničkim karakteristikama traženim Tenderskom dokumentacijom, i to u dijelu:

Ponuđač „**DANIAL S“ d.o.o. Tešanj** – stavka broj 4. „**RUKAVICE ZA ABSAIL**“, ponuđač za navedenu stavku u dijelu „Tehničke karakteristike koje ponuđač nudi u svojoj ponudi“ nije naveo da nudi veličinu S - 1 komad, te nije naveo boju ponuđene robe, što je traženo tenderskom dokumentacijom. Naime u tenderskoj dokumentaciji za navedenu robu su tražene veličine: XL...1 kom; L...3 kom; M...1 kom; S...1 kom; i Boja: crna.

Ponuđač „**VIP DESIGN“ d.o.o. Sarajevo**:

- Stavka broj 2. „**PLANINARSKI RUKSAK 30L**“, tehničke karakteristike koje ponuđač nudi u svojoj ponudi ne odgovaraju tehničkim karakteristikama koje se traže u dijelu:
 - Tražena glavna tkanina M66-330D RIPSTOP 100% poliamid, ponuđač ponudio Nylon 6.6 Ripstop;
 - Vodonepropusnost 1000 mm, ponuđač u svojoj ponudi nije naveo da ponuđena roba ispunjava navedeni kriterij;
 - DWR vodoodbojni tretman bez PFC-a, ponuđač u svojoj ponudi nije naveo da ponuđena roba ispunjava navedeni kriterij;
 - P250D OXFORD podstava 100% reciklirana 100% reciklirani poliester, ponuđač u svojoj ponudi nije naveo da ponuđena roba ispunjava navedeni kriterij;
 - Zapremina tražena tenderskom dokumentacijom za navedenu robu je 30 litara, ponuđena zapremina ponuđača „VIP DESIGN“ d.o.o. Sarajevo je 28 litara, što nije u skladu sa tenderskom dokumentacijom;
 - Tražene dimenzije robe su: visina 66 cm x širina 32 cm x dubina 25 cm, ponuđena dimenzija ponuđača je visina 59 cm x širina 27 cm x dubina 24 cm, što nije u skladu sa tenderskom dokumentacijom;
 - Tražena težina robe jeste 1030 g, ponuđena težina jeste 1100 grama, što nije u skladu sa tenderskom dokumentacijom;
 - Tražena boja jeste 5 kom ruksaka u plavoj boji i 1 ruksak u crvenoj boji, ponuđene boje robe jesu plava i crna, što nije u skladu sa tenderskom dokumentacijom.
- Stavka broj 3. „**ZIMSKE RUKAVICE**“, tehničke karakteristike koje ponuđač nudi u svojoj ponudi ne odgovaraju tehničkim karakteristikama koje se traže u sljedećim stavkama:
 - lagana i prozirna izolacija: POLARTEC®ALPHA 80/100% reciklirani poliester. Da su otporne na vjetar, lagane i prozirne mikroperforirani materijal: „Activ Micro Mesh Shell 100% poliester / vodoodbojna DWR /, u ponudi ponuđač nudi „lagana izolacija i vodootporna, prozirna konstrukcija održavaju ruke toplima i suhima“ što nije u skladu sa tenderskom dokumentacijom, odnosno Tehničkom specifikacijom;
 - U tehničkim specifikacijama je traženo da je „Dlan od meke Clarino kože sa silikonskom ručkom za maksimalno prijajanje: 55% poliester / 45% poliuretan, što nije navedeno u Tehničkim karakteristikama koje nudi ponuđač u svojoj ponudi za navedenu robu;

- Tražene veličine su: XL...1 kom; L...3 kom; M...1 kom; S...1 kom, dok su ponuđene zimske rukavice veličina: M-XL (nije ponuđena veličina S), što nije u skladu sa tenderskom dokumentacijom, odnosno Tehničkom specifikacijom;
- Stavka broj 4. „RUKAVICE ZA ABSAIL“, tehničke karakteristike koje ponuđač nudi u svojoj ponudi ne odgovaraju tehničkim karakteristikama koje se traže u dijelu:
 - Traženo je „dvoslojna koža da štiti dlan i ostala područja koja su izložena jačem trošenju“, dok u ponuđenim tehničkim karakteristikama za navedenu robu je navedeno „pojačano područje dlana“, što nije u skladu sa tenderskom dokumentacijom, odnosno Tehničkom specifikacijom;
 - „Stražnja strana radnih rukavica da je izrađena od kože u kombinaciji sa rastezljivim materijalom otpornim na trošenje / habanje“, što u ponuđenim tehničkim karakteristikama za navedenu robu nije navedeno;
 - „pojačana rupa za ukopčavanje karabinera – mogućnost spremanja rukavica na pojas“, što u ponuđenim tehničkim karakteristikama za navedenu robu nije navedeno;
- Stavka broj 6. „DINAMIČKO UŽE“, tehničke karakteristike koje ponuđač nudi u svojoj ponudi ne odgovaraju tehničkim karakteristikama koje se traže u dijelu:
 - tražena boja jeste crveno-bijela, ponuđena roba je zelene boje, što nije u skladu sa tenderskom dokumentacijom, odnosno Tehničkom specifikacijom.

komisija je ocijenila ponude kao neprihvatljive, te je Ugovornom organu predložila da se predmetni postupak javne nabavke poništi u skladu sa članom 69. stav 2. tačka d) Zakona o javnim nabavkama BiH.

Iz navedenih razloga, a primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.

DIREKTOR
 (po ovlaštenju Vlade FBiH)
GLAVNI INSPEKTOR

Vahidin Munjić



Dostaviti:

- Sektor za mat. fin. Poslove
- u spis